



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Kumi – Tarehe 22 Mei, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Kazi, Uwezeshaji, Wazee, Vijana, Wanawake na Watoto:

Hotuba ya Makadirio ya Mapato na Matumizi ya Wizara ya Kazi, Uwezeshaji, Wazee, Vijana, Wanawake na Watoto kwa Mwaka 2017/2018.

Mwenyekiti wa Kamati ya Maendeleo ya Wanawake, Habari na Utalii:

Hotuba ya maoni ya Kamati ya Maendeleo ya Wanawake, Habari na Utalii kuhusu Hotuba ya Makadirio ya Mapato na Matumizi ya Wizara ya Kazi, Uwezeshaji, Wazee, Vijana, Wanawake na Watoto kwa Mwaka 2017/2018.

II. MASWALI:

Ofisi ya Makamu wa Pili wa Rais:

174. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Katika Baraza la Wawakilishi kumekuwa kukitolewa ahadi mbali mbali na Mawaziri kutokana na hoja za wajumbe, hali inayoonekana kama ni masihara na utani kutokana na kutotekelezwa kwa ahadi hizo.

- (a) Hatua gani Serikali inachukuwa kwa Mawaziri na Watendaji wao ambao wanatoa ahadi ambazo hawazitekelezi
- (b) Kutotekelezwa kwa ahadi zinazotolewa ndani ya Baraza Waziri haoni kuwa ni sawa na kuvunja kanuni za Baraza hili.

Ofisi ya Rais, Tawala za Mikoa, Serikali za Mitaa na Idara Maalum za SMZ:

89. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi (OR) Tawala za Mikoa, Serikali za Mitaa na Idara Maalum za SMZ:

Kumekuwepo na malalamiko kutoka kwa watuhumiwa walioko rumande kupelekwa kwenye Mahakama kama vile Makunduchi kwa gari za abiria badala ya gari za Chuo cha Mafunzo.

- (a) Je, suala hili ni kweli na kama ni kweli Serikali imechukuwa hatua gani kutafuta usafiri kwa watuhumiwa kufika Mahakamani.
- (b) Kwanini Serikali isiweke bajeti ya kutosha kwa ajili ya kununua gari za kusafirisha watuhumiwa kwenda Mahakamani.

Wizara ya Fedha na Mipango

- 79 MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Fedha na Mipango:

Kwa kuwa mwezi Mtukufu wa Ramadhani unakaribia ama umeshafika na kwa kuwa mwezi huu ni wa ibada na wananchi wanakuwa na mahitaji mengi ya chakula ili wafanye ibada zao bila ya usumbufu.

Je, Wizara imejipanga vipi kutangaza bidhaa za vyakula ambazo zitapata msamaha ili wananchi wafaidike na kupunguza ukali wa maisha wakati wa mfungo mtukufu, au Wizara inangoja meli mpaka ifike Chumbe ndiyo itangaze msamaha.

Wizara ya Habari, Utalii, Utamaduni na Michezo:

30. MHESHIMIWA SAADA RAMADHAN MWENDWA (Nafasi za Wanawake) - Atamuuliza Mheshimiwa Waziri wa Habari, Utalii, Utamaduni na Michezo:

Katika miaka ya karibuni hali ya majengo ya makumbusho yetu imekuwa sio nzuri na baadhi ya vifaa vimezidi kuchakaa hivyo kupunguza hamu na haiba ya wananchi na watalii kutembelea maeneo hayo na kupunguza mapato muhimu kwa nchi yetu.

- (a) Je, Serikali ina mpango gani wa kuimarisha makumbusho hayo katika kipindi cha 2017/2018.
- (b) Je, ni wananchi na watalii wangapi waliotembelea makumbusho hayo.

Wizara ya Kazi, Uwezeshaji, Wazee, Vijana, Wanawake na Watoto:

43. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto:

Kwa kuwa kuwepo na ugumu wa upatikanaji wa fursa za ajira kwa Wazanzibari na hivyo kupelekea malalamiko kwa vijana wa Zanzibar, kutokana na nafasi nyingi za ajira kupewa wageni kwa sababu ya utashi wa wamiliki wa taasisi hizo wakati wapo Wazanzibari wenye sifa za kupewa nafasi hizo na hawapewi.

- (a) Kuna wafanyakazi wangapi toka nje ya nchi ambao wanafanyakazi hapa Zanzibar.
- (b) Ni sifa gani za ziada walizokuwa nazo wageni za kupewa ajira ambazo Wazanzibari hawana.
- (c) Je, kwanini Serikali inatoa vibali vya kazi kwa wageni ambao wanafanyakazi ambazo zinaweza kufanywa na wazawa.

Wizara ya Kilimo, Maliasili, Mifugo na Uvuvi:

19. MHESHIMIWA SAID OMAR SAID (Jimbo la Wingwi) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Itakumbukwa kwamba Serikali ilianzisha utoaji wa elimu ya uvuvi katika Chuo cha Uvuvi hapo Lumumba kwa lengo la kuwapatia wanafunzi wetu Taaluma ya Uvuvi na hivyo kunaweza kupata wanafunzi wenye taaluma hiyo.

Je, Serikali itawaendelezaje wale wenye Taaluma hiyo kwa faida ya Wazanzibari

Wizara ya Afya:

106. MHESHIMIWA OMAR SEIF ABEID (Jimbo la Konde)
- Atamuuliza Mheshimiwa Waziri wa Afya:

Hospitali ya Mikunguni ambayo inatoa huduma ya matibabu ya macho inakabiliwa na tatizo kubwa la mrundikano wa watu unaosababishwa na ufinyu wa jengo na eneo, sambamba na upungufu wa wafanyakazi.

- (a) Je, Serikali ina mpango gani wa kuimarisha Hospitali hiyo kwa kuongeza ukubwa wa jengo hilo au kupatiwa jengo jengine ambalo litakua na nafasi kubwa sambamba na kuongeza huduma za upasuaji macho angalau siku 4 kwa wiki jambo litakalosaidia kupunguza msongomano wa wagonjwa.
- (b) Je, wagonjwa wangapi hukimbilia hospitali hiyo pamoja na kwamba zipo hospitali nyengine zinazotoa huduma kama hizo.
- (c) Je, Serikali ina mpango gani wa kutenga fedha kwa ajili ya kununua miwani kwa ajili ya wagonjwa wa macho ambao hufanyiwa "operation" na hawana uwezo wa kununua miwani hiyo.

Wizara ya Ujenzi, Mawasiliano na Usafirishaji:

3. MHESHIMIWA MWANAIDI KASSIM MUSSA (Nafasi za Wanawake) - Atamuuliza Waziri wa Ujenzi, Mawasiliano na Usafirishaji:

Moja kati ya changamoto kubwa inayowakabili wananchi wa Zanzibar wakati wa kutekeleza majukumu yao ni ufungaji wa Barabara za Umma (*Public Road*) kinyume na taratibu na bila ya taarifa yoyote.

- (a) Ni sababu zipi zilizopelekea kufungwa kwa Barabara ya Mahakama Kuu (Vuga), hali ambayo inapelekea usumbufu mkubwa kwa watumiaji wa Barabara hiyo kwa shughuli za kila siku.

- (b) Je, kufungwa kwa Barabara hiyo kumefuata taratibu za kisheria na kutoa taarifa kwa watumiaji kabla ya hatua hiyo kuchukuliwa.

III. HOJA ZA SERIKALI:

Waziri wa Habari, Utalii, Utamaduni na Michezo:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Habari, Utalii, Utamaduni na Michezo kwa Mwaka 2017/2018.

Waziri wa Kazi, Uwezeshaji, Wazee, Vijana, Wanawake na Watoto:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Kazi, Uwezeshaji, Wazee, Vijana, Wanawake na Watoto kwa Mwaka 2017/2018.

Zanzibar,
22 Mei, 2017.

(Raya Issa Msellem)
KATIBU WA BARAZA.